



Broj: 01-50-1-177-15/25

Sarajevo, 23. 1. 2025.



ZAPISNIK

15. hitne sjednice Predstavničkog doma
Parlamentarne skupštine Bosne i Hercegovine,
održane 23. 1. 2025.

PRIMLJENO: 31-01-2025			
Organizaciona jedinica	Klasifikaciona oznaka	Redni broj	Broj priloga

Sjednica je počela u 10.11 sati. Prisustvovalo je 40 poslanika.

Odsustvovali su Vlatko Glavaš i Zlatan Begić.

Sjednici su prisustvovali: delegat u Domu naroda Parlamentarne skupštine BiH Želimir Nešković, ministar pravde BiH Davor Bunoza, ministrica civilnih poslova BiH Dubravka Bošnjak, zamjenica ministra za ljudska prava i izbjeglice BiH Duška Jurišić, zamjenik ministra vanjskih poslova BiH Josip Brkić, zamjenik ministra sigurnosti BiH Ivica Bošnjak i zamjenik ministra finansija i trezora BiH Muhamed Hasanović.

Sjednicu su pratili predstavnici: Ministarstva pravde BiH, Ministarstva finansija i trezora BiH, Institucije ombudsmena za ljudska prava BiH, Agencije za zaštitu ličnih podataka u BiH i Ureda koordinatora Brčko Distrikta u Vijeću ministara BiH.

Iz međunarodnih organizacija sjednicu su pratili predstavnici OSCE-a, Delegacije EU u BiH, te predstavnici ambasada Republike Hrvatske, Velike Britanije, Švedske i SAD-a.

Predsjedavajući je rekao da je 15. hitna sjednica Predstavničkog doma sazvana u skladu s članom 27. stav (1) tačka b) i članom 68. Poslovnika Predstavničkog doma Parlamentarne skupštine Bosne i Hercegovine.

Predsjedavajući je konstatirao da 15. hitna sjednica Predstavničkog doma ima sljedeći

DNEVNI RED

1. Prijedlog zakona o graničnoj kontroli, P.Z.E.I, predlagač: Vijeće ministara BiH, sa zahtjevom za razmatranje po hitnom postupku, u skladu s članom 133. Poslovnika, broj: 01,02-02-1-2546/24 od 17. 12. 2024;
2. Prijedlog zakona o zaštiti ličnih podataka, P.Z.E.I, predlagač: Vijeće ministara BiH, broj: 01,02-02-1-2548/24 od 17. 12. i 18. 12. 2024, skraćeni postupak (prvo čitanje).

Ad. 1. Prijedlog zakona o graničnoj kontroli, P.Z.E.I, predlagač: Vijeće ministara BiH, sa zahtjevom za razmatranje po hitnom postupku, u skladu s članom 133. Poslovnika, broj: 01,02-02-1-2546/24 od 17. 12. 2024.

Predsjedavajući je dao uvodne napomene.

U raspravi o zahtjevu za hitni postupak učestvovali su: Šerif Špago, Jasmin Emrić, Šemsudin Mehmedović, Saša Magazinović, Jasmin Imamović, Nihad Omerović, Safet Kešo i Milan Dunović.

Zahtjev Vijeća ministara BiH za razmatranje Prijedloga zakona o graničnoj kontroli po hitnom postupku, u skladu s članom 133. Poslovnika, usvojen je s 20 glasova „za“ (iz Federacije BiH 15, iz Republike Srpske pet), 11 „protiv“ i sedam „suzdržanih“ glasova.

U raspravi o Prijedlogu zakona učestvovali su: Jasmin Emrić, Midhat Čaušević, Šerif Špago, Šemsudin Dedić i Šemsudin Mehmedović.

Prijedlog zakona o graničnoj kontroli, P.Z.E.I, usvojen je s 20 glasova „za“ (iz Federacije BiH 15, iz Republike Srpske pet), deset „protiv“ i devet „suzdržanih“ glasova.

Na prijedlog Denisa Zvizdića, s 20 glasova „za“ (iz Federacije BiH 15, iz Republike Srpske pet), sedam „protiv“ i 12 „suzdržanih“ glasova, usvojen je sljedeći zaključak: „Predstavnički dom Parlamentarne skupštine BiH predlaže Domu naroda Parlamentarne skupštine BiH da Prijedlog zakona o graničnoj kontroli, P.Z.E.I, razmotri po hitnom postupku.“

Šemsudin Dedić predložio je sljedeći zaključak:

„Predstavnički dom Parlamentarne skupštine BiH zadužuje Vijeće ministara BiH da u roku od šest mjeseci od dana stupanja na snagu Zakona o graničnoj kontroli Bosne i Hercegovine, u saradnji s nadležnim organima Republike Hrvatske, završi aktivnosti na izmjenama i dopunama postojećeg ili potpisivanja novog Ugovora o određivanju graničnih prijelaza između Bosne i Hercegovine i Republike Hrvatske kojim će se:

1. osigurati kategorizacija dodatna tri granična prijelaza sa svim inspekcijskim kontrolama i statusom tzv. BIP-a (Border Inspection Point), i to:
 - GP Izačić (BiH) – GP Ličko Petrovo Selo (RH),
 - GP Donji Svilaj (BiH) – GP Svilaj (RH) i
 - GP Šamac (BiH) – Slavonski Šamac (RH) ili neki drugi;
2. unaprijediti stanje graničnih prijelaza za saobraćaj putnika i robe između Bosne i Hercegovine i Republike Hrvatske dodjeljivanjem statusa većem broju međunarodnih drumskih graničnih prijelaza za promet putnika i robe.“

„Za“ navedeni prijedlog zaključka glasalo je 27 poslanika (iz Federacije BiH 25, iz Republike Srpske dva), „protiv“ sedam, a pet poslanika bilo je „suzdržano“. Predsjedavajući je konstatirao da nema potrebne entitetske većine u prvom krugu glasanja i da će Kolegij Doma kao komisija obaviti naknadno usaglašavanje o prijedlogu zaključka poslanika Šemsudina Dedića.

Ad. 2. Prijedlog zakona o zaštiti ličnih podataka, P.Z.E.I, predlagač: Vijeće ministara BiH, broj: 01,02-02-1-2548/24 od 17. 12. i 18. 12. 2024, skraćeni postupak (prvo čitanje)

Predsjedavajući je dao uvodne napomene.

U raspravi o Prijedlogu zakona učestvovali su: Jasmin Emrić, Predrag Kojović, Midhat Čaušević, Safet Kešo i Šerif Špago.

Prijedlog zakona o zaštiti ličnih podataka, P.Z.E.I, usvojen je u prvom čitanju, s 30 glasova „za“ (iz Federacije BiH 25, iz Republike Srpske pet), jednim „protiv“ i osam „suzdržanih“ glasova.

Sjednica je završena u 11.40 sati.

Sastavni dio Zapisnika je transkript 15. hitne sjednice Predstavničkog doma.

SEKRETAR
PREDSTAVNIČKOG DOMA
Dražen Mustapić

PREDSJEDAVAJUĆI
PREDSTAVNIČKOG DOMA
Dr. Denis Zvizdić